

新刻太醫院發刻醫家必究本死生春卷之八

太醫院史 紹庄 徐文元 發刻

醫正 活谿 芮 經 彙集

太醫院醫官雲林 龔廷賢 校正

秣陵後學 文麓 紀夢德 訂正

金陵書坊 蔣氏 石渠閣 梓

○疔腫

夫疔瘡者以其瘡形如疔蓋之狀是也其種有麻子疔狀如黍米稍黑四邊微紅極痒有石疔皮肉相連色如黑豈甚硬刺之不入肉微痛有雄疔其狀炮頭黑靨四畔仰彪漿起有水色黃大如錢孔形高有雌疔其色稍黃向裏靨四面炮漿起心凹色

赤形如錢孔。有火疔。其瘡頭黑。靨如湯火燒灼。四邊有煙漿。又如赤粟。有爛疔。其狀稍黑。有白癩。潰有膿水。大如匙面。有三十
六疔。其狀頭黑。浮起。形如黑豈。四邊起赤色。今日生一。明日生
二。及至十數。若滿三十六。藥所不能治。未滿其數。可治也。有蛇
眼疔。頭黑皮浮。形如小豈。狀似蛇眼。大體硬實。有鹽膚疔。大如
匙面。四邊皆赤。有黑粟粒起。有水洗疔。大如錢形。瘡頭裏黑。靨
有汁出。有刀鑷疔。其狀濶如薤葉。長一寸。左則肉黑。如燒烙。有
浮漚疔。其瘡體曲圓。少許。不合。長而狹。如薤菜。內黃外黑。黑處
刺之不痛。黃處刺之痛。有牛拘疔。其狀肉色。頗起。搯不破。然雖
有十三種名狀。皆不離於氣。客經云。或食甘肥過度。不惜酒色。
邪熱蓄積而生。其初生也。頭凹腫痛。青黃赤黑。無復定色。其瘡
先痒後痛。或先寒後熱。或熱定則寒。四肢沉重。心驚眼花。或煩

躁悶亂。或增寒頭痛。或嘔吐心逆。以鍼刺瘡不痛。無血是其候。經曰。膏梁之變。足生大疔。此之謂也。如針不痛。其人眼黑。或見火光者。不可治也。凡療之法。皆刺瘡心。至痛處。又刺四邊十餘下。令血出去。血敷藥。藥力得入。鍼孔中則佳。若不達裏。藥方不到。又有口中頰邊舌上有赤黑如珠子。瘡上按之。殄痛應心者。乃是秋冬寒毒久結皮膚中。變作此瘡。不急療之。日夜根長。流入諸脉數道。如箭入身。顫掉不已。更不慎。口味房室。瓦石湯火。麻鐵。噴怒愁恨之類。然不旋踵。經五六日不瘥。心神昏昧。口乾心煩。嘔吐不定。但在手足頭面。胸背骨節間最急。餘處稍緩。治之宜早。倘遲。毒氣入腹。則煩悶恍惚似醉。如此者。三二日死矣。有發於手足。生黃泡。其中或紫黑色。有一條如紅線直上。急用鍼於紅線止處。刺出惡血。後以蟾酥乳香膏。瘡上貼之。鍼而病

者。知痛出血爲好。否則入腹攻心。必致危困。不可治也。但秋深多有此症。治之勿緩可也。

○脉症捷言

經云。脉浮而熱。身體無熱。形之嘿嘿。胸中微燥。定發惡毒。

又云。脉微而遲。反發熱。弱而數。反振寒。當發症腫。

脉之沉實。其症發於內之外者。

脉之浮數。其症發於外之內者。

凡毒初生。便覺壯熱惡寒。拘急頭痛。精神不寧。煩燥欲飲冷者。

毒必深也。如起居平和。飲食如常者。毒必淺也。

凡惡瘡初生。如頭似粟。微有痛癢。慎觸破之。卽煨展。

凡疔瘡。用鍼刀刺破頭。用蟾酥敷之。再以菘荳野菜莎酒。搗攪

汁飲之。醉睡覺。卽痛定熱除。不必去。疔自愈。或用紫梗菊

花連根葉搗酒攪汁飲之亦効。

山茨菰磨酒服之取微汗更妙。

凡諸毒瘡痛不可忍者宜以黃連黃芩為君詳上下根稍以引

經之藥為佐。

病疔瘡初起以千金托裏散主之。

方見七卷內

病惡瘡發熱煩燥外無焮赤痛深在內乃邪氣沉於裏也故先

疎通以絕其源必以黃連等之類。

方黃連湯

黃連 當歸 芍藥 木香 檳榔 黃芩

薄荷 桔梗 甘草 連翹 大黃 各等分

右取咀水煎熟論患之上下食之先後服之。

治一切惡疔初覺增寒疼痛以赤芍藥湯主之。方見五卷內。

病惡瘡焮腫在外。邪既外顯。熱則內行。或汗或托裏。以防入內。爲患也。

方荆防敗毒散

荆芥 防風 人參 羌活 獨活 前胡

柴胡 桔梗 枳殼 茯苓 甘草 川芎

右咬咀。水煎熟。溫服。

病若形質實。脉洪滑有力。疔腫焮開。便閉。以五和大黃湯。

方五和大黃湯

大黃 升麻 黃芩 朴硝

右咬咀。用水煎。熟溫服。

病瘡毒作渴。不問腫潰。但脉數發熱者。宜竹葉等之類。

方竹葉黃耆湯

澹竹葉

地黃

麥門冬

黃芪

當歸

川芎

芍藥

人參

甘草

半夏

石膏

黃芩

右咬咀水煎熟不拘時服

治疔毒始發必先當頭灸之以開其戶次詳所發分野屬何經

脉則內用所屬經藥引經以發其表外刺所屬之經俞穴

以泄其邪

病太陽經一切諸瘡夫瘡由濕熱而生法當清理濕熱為是經

云風能勝濕寒能勝熱故用防風防已等以疎濕諸苦寒

以勝熱佐人參等理氣理血以瀉火也

方黃連消毒飲

防風 二錢

羌活 一錢

防已 七分

獨活 一錢

黃芩 一錢
桔梗 七分
黃柏 一錢
連翹 一錢

知母 一錢
人參 一錢
橘紅 八分
黃芪 一錢

川歸 二錢
生地 一錢
蘇木 七分
甘草 六分

右咬咀。用水二升。煎一升半。或用酒煎亦可。

治疔瘡始覺。能令速消。以黃連消毒湯主之。方見七卷內。

病疔腫魚精瘡。煩渴拘急。肢體疼痛。四肢沉重。恍惚悶亂。坐臥

不寧。大小便閉澀。以漏蘆湯治之。

方漏蘆湯

漏蘆 白欝 黃芩 麻黃 枳實 升麻

白芍藥 甘草節 朴硝 各一錢 大黃 二錢氣虛減半

右咬咀。用水煎熟。空心服。

治疔瘡煩躁作渴。以竹葉黃芪湯主之。方見本卷前。

治疔瘡毒攻心腹嘔吐惡心以護心散主之

方見七卷內

病疔瘡諸癰一切無名腫毒初起增寒壯熱甚者頭痛拘急狀

似傷寒一日至四五日者二三劑以衰其毒輕者則內自

消散若至六七日不消宜服真人活命飲後服托裏消毒

散調理

方連翹散毒散

柴胡

桔梗

羌活

川芎

茯苓

枳殼

前胡

獨活

連翹

金銀花

防風

荆芥

薄荷

甘草

各等分

右咬咀生薑煎瘡在上食後服在下食前如熱甚并痛甚加

黃連黃芩○如大便不通加大黃芒硝下之

病一切疔腫不問陰陽虛實善惡腫潰大痛或不痛然當服於

未潰之先與初潰之時如毒已大潰更不宜服初用此劑大勢已退然後隨症調治其功甚捷誠仙方也

方真人活命飲

穿山甲

三大片切碎以蛤粉炒過

天花粉

甘草節

乳香

白芷

赤芍藥

貝母

各一錢

防風

七分

沒藥

當歸尾

酒洗一錢

陳皮

錢半

金銀花

三錢

皂角刺

五分

右咬咀一劑用好酒一鍾半以紙密封灌口勿令泄氣煎至一鍾隨瘡上下以分飢飽溫服能飲酒者服後再飲三五盃忌酸薄酒鐵器服後少臥覺痛定回生神功浩大不可億度再看症加減○在背俞倍皂角刺○在腹募倍白芷○在胸次加瓜蒌仁二錢○在四肢倍金銀花

病

一切疔疽六七日未消者服此藥瘡未成即消已成即潰能壯氣血固脾胃使毒氣不得內攻膿毒易潰肌肉易生切不可早用生肌之藥恐毒氣未盡反增潰爛如有瘡口便貼膏藥以禦風入至瘡口閉闔如不用貼此守成之妙方也

方托裏消毒散

黃芪

鹽水炒

天花粉

各二錢

防風

當歸

酒洗

川芎

白芷

桔梗

炒

厚朴

薑製

穿山甲

炙

皂角刺

炒各一錢

金銀花

陳皮

各三錢

右用水酒各一鐘煎至七分在上食後在下空心二服後只

用水煎服

病

一切疔腫瘡毒不問已成未成但焮痛者以槐花酒散之

○槐花酒 槐花四五兩，微炒黃，乘熱入酒二鍾，煎十餘沸，去渣，熱服。

未成者，一二服即消。已成者，三二服即愈。

〔治〕一切疔瘡等毒及喉閉乳鵝不問已潰未潰者

〔方〕金銀花酒

金銀花連莖葉搗爛，取汁半鍾，和熱酒半鍾，溫服。甚者不過三五服，可保無虞。如秋冬無鮮者，以收下乾者，用水煎

熟，和酒服。

〔治〕疔瘡癰背、癩瘰疔瘤。

〔方〕鐵桶膏

蕎麥稈灰淋二碗，熬至一碗下。

血竭 乳香

沒藥 各三分 為末，入汁內，再熬去半碗，取下待冷，入

黃丹 八分 雄黃 八分 硃砂 好石灰 八錢

右爲極細末。共一處放藥汁內攪勻成膏。磁器收貯。用三稜
針刺破。將藥入內。直送深入到底。不三四次全愈。

○癰癧

夫癰癧皆由恚怒氣逆。憂思過甚。風熱邪氣內搏於肝。蓋怒傷
肝。肝主筋。故令筋畜結而腫。其症多生於頸腋之間。結聚成核。
初如荳粒。後若梅核。或在耳後。連及頤頷。至缺盆。在鎖字骨陷
中。皆爲癰癧。手少陽三焦經主之。或在胸及胸之側。皆爲馬刀
瘡。足少陽膽經主之。二經多氣。少血。癰癧者。指其累累相連。歷
歷三五枚。久久不消。漸漸長大。按之則動。而微痛。不增寒壯熱。
惟午後微有熱。或夜間口乾。飲食少思。四肢倦怠。是以堅而不
能潰。上而不能合。有風毒者。得之於風。熱毒者。得之於熱。氣毒
者。得之於氣。乃風熱邪氣蘊結。乃成。皆由氣血不足。徃徃變爲

勞者經云。此不繫膏梁丹石之變。因虛勞氣鬱所致。宜補形氣。調經脈。則未成者自消。已成者自潰。若不詳經絡。血脈多少。脉症受病之異。卒用牽牛斑猫。及流氣飲。十宣散。則血氣已損。而實虛虛之禍。如指諸掌。脉陳離升兩症欸內。

治 瘰癧和血通經。服之自消。以玉燭散。

方 玉燭散

當歸

菊葉

川芎

芒硝

熟地黃

黃芩

各一錢

甘草

五分

大黃

看人虛實加減

右咬咀。用生薑二片。水煎熟。空心溫服。

病 懷抱挹鬱。瘰癧流注。或四肢患腫。肉色不變。或日晡熱。或潰

而不斂。以益氣養榮之劑。

方 益氣養榮湯

黃芪

蜜炙

人參

白朮

炒各一錢五分

當歸

酒洗

川芎

白芍

酒炒

生地黃

陳皮

香附

貝母

各一錢

柴胡

地骨皮

桔梗

炒

甘草

炙各五分

右咬咀一劑水煎食遠服。

如有痰加橘紅。○刺痛加青皮或木香。○午後有熱或頭

微眩加酒炒黃柏。○膿水清倍參芪當歸。○女人有鬱氣

胸膈不利倍香附貝母。○月經不調加牡丹皮當歸。

病 癩癧為七情所發以五香連翹湯主之。

方見七卷內。

病 有瘡結硬如石或在耳下或至缺盆中動之無根名曰馬刀。

或肩上也於脇下皆手足少陽經中及癩癧在頰或至頰

車堅而不潰或足陽明經中所出或二症瘡破膿流並以

散腫潰堅湯治之。

散腫潰堅湯

黃芩 酒炒 一半八錢

草龍胆 酒洗炒 四次

桔梗

瓜蒌根 酒洗

黃蘗 酒炒

知母

昆布 各五錢

柴胡 一錢

甘草 炙

三稜 酒洗

桔梗

連翹 各三錢

乾葛

白芍藥

當歸鬚

黃連 酒炒 各二錢

海藻 炒

升麻 各五錢

右件咬咀每貼一兩煎去渣食後熱服於臥處神足在高頭
低垂每含一口作十次嚥服服畢依常安臥取藥在膈上
停故也另攢半料作細末煉蜜為丸如棗豈大每服百餘
丸用此藥汁留一口送下

治癰癧宜先用益氣養榮湯數十服後服此

方內消散

硃砂一錢 血竭二錢 斑蝥去翅足三分生用

右爲細末。每服一分。空心燒酒調服。未破者三五日立消。已破者內服此藥。外用金頭蜈蚣一條。研極細末。用麻油一小鍾。浸二旦夕。搽患處。其瘡卽腫潰。過二三日腫消。可貼膏藥。瘡勢大者。二十日痊。小者十餘日平復。

〔治〕瘰癧成痿。外用塌腫湯。及洗毒湯。塌洗瘡腫。

〔方〕塌腫湯

芍藥 丹參 黃芩 白欝 各等分

右咬咀。每用五錢。水一升。煎十沸。帛蘸頻塌之。

〔方〕洗毒湯

苦參 防風 甘草 露蜂房 各等分

右咬咀。每用五錢。水煮濃汁。洗瘡腫處。

治瘰癧達頸。或至頰車。此皆出足陽明胃經中來。若瘡深遠。隱

曲肉底。是足少陰腎經中來。乃戊脾傳癸腎。是夫與妻俱

作塊子。堅硬大小不等。並以升麻調經湯。或作丸藥服之

尤可。

方升麻調經湯

升麻 八錢 黃芩 酒浸五錢 生四錢 葛根 草龍胆 蓬朮

三稜 甘草 炙 黃連 連喬 各五錢 桔梗 五錢

當歸鬚 芍藥 各三錢 黃蘗 二錢 知母 一兩

右咬咀。每服五錢。旋加至七八錢。水浸半日。煎瀝清。臨臥熱

服。足高去枕仰臥。噙一口。作十次嚥之。另合半料作末煉

蜜丸。如菘荳大。每藥留一口。送下百餘丸。

治瘰癧并痰核結硬。以老君丹主之。

方老君丹

老君鬚

四分

紫背天葵

三錢

乳香

沒藥

紅麴

防風

紅花

各三分

梔子

五分

草薺仁

一錢

歸尾

八分

川芎

四分

血竭

五分

孩兒茶

五分

土茯苓

金銀花

白芥子

各五分

右件共搗粗末。先用獨蒜一個順搗爛入好酒一碗濾去渣入藥內重湯煮一時。食後臨臥服。三劑全消。妙不可言。

治癰瘰已破者。搽上即好。

夕丹青散

銀硃

一錢

銅青

一錢

松香

五分

右件研細末。有水乾付之。如乾燈油調搽。

治癰瘰已成。必以天葵丸主之。

〔方〕天葵丸

紫背天葵

一兩五錢 海藻

海帶

昆布

貝母

桔梗

各一兩

海驃蛸

五錢

右為細末。酒糊為丸。如梧桐子大。每服七十九。食後溫酒下。

〔治〕瘰癧潰爛。臭不可聞。久不能愈。用此神效。

〔方〕代灸散

官粉

雄黃

各一錢

銀硃

五分

麝香

二分

右為細末。用槐皮一片。將針密密刺孔。置瘡上。上摻藥一撮。以炭火灸熱。其藥氣自然透入瘡中。痛熱為止。甚者換三次。輕者二次全愈。

〔治〕馬刀瘡。在缺盆。或在耳下。堅硬如石。動之無根。或生兩脇。或已流膿作瘡。或未破者。以連翹散堅湯。及救苦化堅丸。主

之

方連翹散堅湯

柴胡 一兩二錢

草龍胆

天花粉 各一兩

廣木

當歸鬚

三稜

連翹

芍藥 各五錢

黃芩

酒炒五錢 生五錢

甘草 三錢

黃連

蒼朮 各二錢

右咬咀。每服旋加至七八錢。水浸半日。煎瀝清。臨臥熱服。足

高去枕。仰臥噙一口。作十次嚥之。另合半料作末。煉蜜丸

如棗葢大。每藥留一口送下。百餘丸。

方救苦化堅丸

黃芪

漏蘆

升麻

連翹

羌活 各二錢

甘草 炙

葛根

獨活

防風 各一錢

大麥蘖 二錢

人參

牡丹皮

當歸身

生地

熟地黃

白芍藥 鼠粘子 蓬朮 黃連酒浸 黃蘗酒焙各六分

肉桂 昆布 京三稜 益智仁 神麴

厚朴各四分 柴胡一錢六分

右件依法製度為末。湯浸蒸餅為丸。劑捻作餅子。日乾搗如

米粒。每服三錢。用白湯食遠送下。

治馬刀瘡。以柴胡連翹湯。或消腫湯。

方柴胡連翹湯

柴胡 連翹 黃芩炒 知母各五錢 黃蘗酒洗

生地黃 甘草炙各三錢 中桂三分 瞿麥六錢

鼠黏子二錢 當歸鬚一錢五分

右咬咀。每帖一兩。用水煎。食遠溫服。

方消腫湯

鼠黏子

甘草 各五分

黃連

四分

當歸稍

黃芪

黃芩

柴胡 各一錢

天花粉

七分

連翹

二錢二分

紅花

少許

右咬咀。水煎熟。食後溫服。

治瘰癧大便閉結。以牡蠣大黃湯。踈下兩三行。

方牡蠣大黃湯

牡蠣

木香

大黃

各等分

右剉。春夏露一宿。冬月暖處放一宿。空心服。

治瘰癧未破。以馬鞭草為末。加麝香少許。和勻。每服二錢。白湯

食後調服

○附骨疽

夫附骨疽者。以其毒氣深沉。附著於骨也。此疾與賊風相類。而

不同。人不能辯治之悞矣。蓋附骨疽者。由秋夏露臥。爲折之風。熱伏結附骨成疽。賊風之候。由風邪之氣。搏於骨節。故其痛深。徹骨髓。遇寒則痛甚。附骨疽痛而不能轉。初按之。應骨皮肉微急。洪洪如肥狀者是也。其賊風皮骨不甚熱。索索惡寒。時復汗出常。欲熱熨痛處。卽得少寬也。附骨疽。初時但痛。無時乍寒乍熱。而無汗者。經久不消。極陰生陽。寒化爲熱。而潰也。賊風不治。久而變爲彎曲偏枯。所以不同也。認是賊風。則服引越脾治風之劑。卽得差矣。認是附骨疽。急宜服漏蘆湯。或五香連翹散。踈下之次。用內消升麻湯。及湯潰膏貼之類。縱不能消。亦得浮淺。又有緩疽石疽。與附骨疽亦相類。所異者。蓋緩疽石疽。皆寒氣所作。深伏於骨髓之間。有腫與皮肉相似。若疼而堅硬如石。故謂之石疽。緩疽其熱緩慢。積日不潰。久乃亦紫黯色。皮肉俱爛。

故名曰緩疽。此二者其治初覺便宜補虛托裏。溫熱之劑以取消散。其次調治臨疾制宜。故不復具載矣。

治環跳穴痛不已。防生附骨。以散毒飲子土之。

方散毒飲

蒼朮 三錢 黃蘗 酒洗一錢五分 細辛 青皮 牛膝

桂枝 條芩 酒洗各一錢 甘草 五分

右咬咀水煎。入生薑自然汁一合。食前熱服。

病甚恐黃蘗桂枝十數貼。發不動。少加麻黃三四貼。又不動者。

恐癰將成。急掘地坑。以火煨紅。沃以小便。赤體坐上。以被。

席圍抱下體。使熱氣重蒸。腠理血開。氣暢而愈。

治左大腿生附骨。癰不轉。肉色漫腫。皮澤木硬。其左乃厥陰肝。

經之分。以內托黃芪湯主之。

方內托黃芪湯

生地黄 黃蘗 各五分 肉桂 羌活 當歸 各八分

天花粉酒洗 柴胡 連翹 各一錢 黃芪 一錢五分

右咬咀用酒一分水二分煎八分空心熱服

治附骨疽其肉色不變痛不可忍宜先以消毒流氣飲主之

方消毒流氣飲

黃芪 一錢 當歸 川芎 白芷 人參 防風

桔梗 烏藥 檳榔 白芍藥 枳殼 厚朴

官桂 木香 紫蘇 甘草 生各四分

右咀用酒一鍾水一鍾同煎熱食遠熱服忌一切發物

治附骨疽堅硬漫腫不辨肉色行步作痛按之九痛以黃芪柴

胡湯主之

方 蓄芪柴胡湯

蓄芪 一錢五分 當歸鬚 一錢二分

柴胡

鼠粘子

連翹 各一錢

肉桂 升麻

甘草 灸

黃蘗 各九分

右咬咀用酒一分水二分煎八分空心熱服

治附骨疽痛甚乍寒乍熱以漏蘆湯治之。

方 漏蘆湯

漏蘆

白欬

黃芩

麻黃

枳實

升麻

白芍藥

甘草節

朴硝

各一錢

大黃

二錢氣

右咬咀水煎八分空心熱服

或五香連翹湯

方見七卷

或成用內消升麻湯主之

方 內消升麻湯

大黃

看人虛實多少

升麻

一錢五分

黃芩

枳實

當歸 各一錢

甘草

赤芍藥 各五分

右咬咀水煎八分食前熱服忌一切發物

凡治大毒藥無全功必須鍼灸蓋用艾之功甚大能使毒散帶

行是以謂大毒若不鍼灸則毒氣無由而散膿癢無從而

泄故此必從火力始能成功故以灸法治未潰能拔引鬱

毒行散滯氣使毒易潰能接引陽氣祛散寒邪使瘡口易合

凡疽毒始發必先當頭灸之以開其戶次詳所發分野屬何經

味則內用所屬經藥引經以發其表外刺所屬之經俞穴以泄其邪

陰瘡

大陰瘡者大槩有三等一者濕陰瘡二者妬精瘡三者陰蝕瘡

又口下疳瘡蓋濕瘡者由腎經虛弱風濕相搏邪氣乘之瘙痒

成瘡浸淫汗出狀如疥癬者是也妬精者由壯年精氣盈滿久

疔房室陰上生瘡赤腫作白妨悶痒痛者是也陰濕瘡者由腎臟虛邪熱結下焦經絡痞澁氣血不行或房勞洗浴不潔以致生瘡隱認不醫焮腫尤甚袖瘡在裏措手無方疼痛注悶或小便如淋陰丸腫痛是也或經十數日潰爛血膿肌肉侵蝕或血出不止以成下疳身體壯熱煩渴惡寒宜急治之

治下疳腫去溺澁疼先因妬精瘡用乾藥大緊致毒不散或服金石祕精之藥壅遏不得宣流或戲用女色煖爐之藥取一時之快不知熱毒反着自身三者俱能蘊結成腫閉塞竅道致使莖腫塞疼並以五苓散以滌其內用荆芥木通甘草湯淋洗以宣其外

方五苓散

方見三卷內

治莖上濕痒作瘡及注幹瘡並以柴胡當歸湯主之

方 柴胡當歸湯

柴胡 二錢五分
黃芩 半夏
人參 各一錢五分

甘草 五分
生薑 五片
棗子 二枚
生地黃 一錢

右咀水引煎八分。食前熱服。外用大荳甘草湯

方 大荳甘草湯

甘草 三兩
丹參
黃芩
白欬 各等分

右咬咀每用五錢水一升煎十沸。帛蘸頻湯之。

加陳荷葉花椒煎湯洗淨患處以孩兒茶散時時敷上。

方 孩兒茶散

黃連 一錢
孩兒茶 一錢
爐甘石 五錢
火煨紅黃連 煎滾湯淬七次

鹽粉 五分
龍腦 一分

右各研細和勻時常用甘草湯溫洗淨乾敷神效

[General Information]

书名=杏苑生春 三十

作者=

页数=30

SS号=12764177

出版日期=